

Swift
CANNED MEAT SPECIALTIES
Agente: **Wimco**

ARUBA ANSE COURANT

KING SIZE COCA-COLA
MORE FOR YOU!

Diario pa Aruba



NOW!! FOR COOLNESS AIRCONDITIONING
Tel. 2170
ELMAR

Anja 25 DIALUNA 21 DI OKTOBER 1963 No. 4772

Ainda no tin cambio den conflicto entre Argelia y Marokko

ARGEL, 21 okt. — Gobierno Argelino a pidi pa un reunion di ministernan di exterior di e paisnan di e organizacion di unidad Africano. Asina e minister Argelino di exterior, Bouteflika, a participa antayera nochi na Argel. El a bisa, cu ainda tur medionan pa solucionacion y conflicto di un manera pacifico no a caba. Pa stop e lucha ta necesario, pa e trupanen di ambos partido retira tras di nan frontera.

Minister Bouteflika a bisa na un conferencia di prensa, cu te awor aki Argelia no a haci uso di forsan arma. E agencia Frances di noticia „A.F.P.” ta anuncia cu un puente aerea a worde estableci entre Argel y Colomb Bechar cu avionnan no militar pa por manda reforsanan di tupanen mas rapido na e frontera. Tambe seis avion militar di Argelia di e tipo Mig a yega Colomb Bechar algun dia pasa. Pero e autoridadnan militar Frances local, no kier suministra e avionnan ey mas combustible.

Minister Bouteflika a acusa Marokko di a aresta Argelionan den e pais ey. Argelia lo no tuma medionan di represalia contra Marokkanonan na Argelia. E minister Argelino di exterior declara enigmáticamente, cu e oasesa Hassi Beida y Tindjoub, pa cual rupanen ta bringando, prome cu independencia di Argelia tabata pertenencia territorio Frances y pues awor Argelino.

haciendo preparativonan pa un atake riba e ciudad Fignig di Marokko pega cu frontera cu Argelia, mas o menos 110 kilometer noroost di Colomb Bechar.

Segun e revista politica „Les Phares”, cu ta worde edita pa editor general di e gabinete di rey Hassan, e gencnacion di e provincia Oedja a anuncia cu e post di Marokko 1853 50 kilometer noord di Fignig a cai ayera. Un

batalion di Argelionan cu apoyo di mortierman a ataca e guardiannan cu tabata consisti di 38 solda y a destrui. Comisariato politico di ehercito Argelino a manda un pamflet pa e soldadnan di Marokko den cual e ta haci un yamamentu riba nan pa nan usa nan sinti y sabiduria pa pone un fin na e lucha di hermano.

E delegado especial di Ben Bella, a bisa ayera prome cu su salida pa New York, unda el lo splica e punto di bista di Argelia, cu gobierno Argelino kier pone un fin na e bringamentunan si e trupanen di Marokko retira te riba territorio di Marokko.

Di parti di e delegacion di Marokko serca nacionnan uni a worde bisa, cu secretario general Oe Thant di Nacionnan Uni a ofrece su bon servicionan pa regla e conflicto entre e dos paisnan.

Lord Home: Premier nobo di Inglatera

LONDEN, 21 okt. — Den e participacion oficial di Buckingham Palace a worde bisa cu La Reina a ricibi Lord Home diasabra mainta den audencia kende a duna e sunchi di man na su nombracion como premier.

Critico di oposicion

E lider di oposicion Ingles, Harold Wilson a bisa, cu un Inglatera dirigi pa Lord Home lo no hanja su parti den e asuntunan mundial.

Na un reunion di e partido Labour na Manchester Wilson a bisa: „Su actitud contra e paisnan nobo independiente den mancomunidad, su disponibilidad visto pa sacrificie mancomunidad den su pura pa afilia Europa ta bai imposibel cu Inglatera bao di Lord Home por mobilisa e mancomunidad y dirigi.”

Wilson a bisa cu e eleccion di Home ta e intencion di un grupo aristocratica.

YUDANZA FRANCES NA ARGELIA

PARIS, 21 oktober. — E comision financiera di e Asamblea Nacional di Francia ayera a duna su aprobacion na e proposicion en cuanto yudanza na Argelia durante anja cu ta bini. E proposicion aki entre otro ta provisiona den yudanza den forma di un capital di 1.05 milliard franc, na cual lo bini 150 milion franc mas cu ta worde transporta di e presupuesto corriente.

E secretario di estado na asuntunan Argelino, Jean Broglie, a bisa cu aunké tin un preocupacion hustifica gobierno no por haci otro cu sigui cu e yudanza.

FATUM — Tel.: 1845
pa tur bo asegurnan

CRITICA RIBA EXPOSICION MERICANO NA RUSIA

MOSCÚ, 21 oktober. — E organo di gobierno Ruso „Izvestia” a critica e exposicion Mericano di arte grafico na Rusia. Segun e corant mayorin di e bishitantenan tabata di e opinion: „Nos ta pa interese cu e uital, pero no mester presenta bao di e capa noble aki un clase di destruccion ideologica y presenta e pueblo Ruso un arte cu ta stranjero na nan.” E exposicion tin algun siman caha na Alma Ata, capital di e republica Kazachstan. Segun e corant e cantidad di bishitantenan ta mengua mas y mas pasobra ta solamente un „Morserij” abstracto nan ta hanja mira. Pero e embahada Mericano na Moscú ta bisa cu e interes pa e exposicion ta hopi razonable.



Na Hannover, Alemania West, nan a despedi di Cancellor Federal Adenauer, durante un parada grandi di „Bundeswehr” di Alemania. Aki nos ta mira Adenauer hunto cu e minister Aleman Von Hassel.

INCIDENTE NA FRONTERA ENTRE SYRIA Y LIBANON

BEIROET, 21 okt. — Na e frontera entre Siria y Libanon tabatin un incidente ayera tardi.

Un portavoz oficial di gobierno Libanes a participa, cu un departamento di Siria consistiendo di 50 solda a penetra riba tereno di Libanon y a laga un patruya di Libanon cai den un trampa eyan. Cuater miembro di e patruya di Libanon a muri.

INFILTRANTENAN INDONES NA PENANG

KUALA LUMPUR, 21 okt. — Trupanen di polis na Malaisia ta buscando den distrito Bagan Jermal, riba e isla Penang, cinco infiltrante Indones arma, cu segun piscaderonan a worde pone na tera eyan pa un hotito di motor.

Den cumintamentu di e siman cu a caba ya tabatin un aceso grandi di huseda en conexion cu noticiannan cu a worde ricibi tocante desembarque di hombernan histi na koki. E accion ey no tabatin ningun resultado.

CONSPIRACION NA IRAK

BAGDAD, 21 oktober. — E gobernador militar di Irak, Brigadier general, Rasiid Moesleh, a participa cu un komplot contra e actual regimen a worde descubri y cu dos conspirador a worde detene. Esakinan lo worde huzza aki poco dia na un corte revolucionario na Bagdad.

E general no kier a bisa nada tocante e cantidad di personanan cu a worde aresta, pero el a laga sa, cu e complot tabata royalista. E personanan detene tabata entre otro oficialnan cu ta cu pensioen, otro personanan di e regimen royalista cu a worde tumha y feudalistanan. Pero cu nan tabatin contacto cu e Koordenan rebelde na noord Irak.

OLLENHAUER TA HOPI MALU

BONN, 21 oktober. — Erich Ollenhauer, e president di e partido di oposicion na Alemania West, a haci un segundo operacion den diez dia na su pia drechi. Aunke cu Ollenhauer a pasa anochi bon, tog mester considera su estado grave, asina e vicepresidente di e partido socialista na Alemania West a bisa.

C. U. Santa Theresita a celebra „International Credit Union Day”

SAN NICOLAS, 21 okt. — Dia huebs, dia 17 di oktober, 1963, mas di 350 miembronan i invitadonan a jena sala di Club Santa Cecilia pa celebra International Credit Union Day. Es mico problema cu tabata tin ta unda pa hinea e sobra di mas di 100 hende cu mester a keda pafor pa falta di espacio den club.

President, Ferdinand Groeneweldt, a yama tur presente bon bini y a splica e motibu di es celebracion di International Credit Union Day. Despues, Rev. Pastoor Van Baars a muestra algun slides over di bida di „San Martin de Porres” cual e presentenan a goza masia.

Despues di un paus, „Billy y su Black Diamonds” a duna diferen e actuacionnan cu nan ulfion „hisan” americano y latinoamericano cual tabata na smak di tur e presentenan. Segun e estado financiero, e miembronan di es Credit Union aki a spair mas di \$78.000. Na fianza a concede un total di mas di \$112.000 di local miembronan a paga bek mas di \$70.000.

E Credit Union aki tin mas di 970 miembronan inscribi di cual mas di 800 ta activo. A concede un total di mas di 670 fianza na miembronan. E fianzanan aki a worde haci pa compra panja, paga awa, luz, humi di cas, paga school, paga belasting, dreccha auto, paga number di auto, paga boat, dreccha cas, paga archa stoff, radio, mas machine, T.V., compra tereno, tanta paeus, dreccha stoff, paga dokter hospital, compra bril, casamento, bautismo, riblimento enfierno, tambe pa paga estudio na yunan cu ta studiando den stranheria.

President a muestra cu door cu es Credit Union aki ta grandi, mas tanto hende por worde juda resolve nan problemanan financiero, tambe miembronan individualmente por hanja un prestamo mas haitu.

Segun e president, den Credit Union tres factornan ta hai hunto: miembronan mester snaar regularmente, haci fianza den Credit Union, y paga bek regularmente. Sin es tres factornan aki, Credit Union no por traha.

President ta muestra cu avendia, especialmente aki na Antillas, ta duro pa hanja hende na haci trabanon social como den Credit Union y desinteresadamente, y a pidi miembronan pa coopera cu directiva y comisionnan na haci nan trabanon mas agradabel posibel door di tene nan mes na reglamentonan di Credit Union.


President a termina su discurso sperando cu proximo anja lo por bolbe celebra International Credit Union Day na cada uno di es Credit Union aki na Aruba, ariba nan mes, sino „conhuntamente”.

BELGO A HUI PA ALEMANIA OOST

BERLIN, 21 okt. — E solda Belgo Raymond Herzet di ehercito Belgo na Alemania a pidi asilo politico na Alemania Oost, asina e agencia di prensa na Alemania Oost ADN a anuncia. Herzet ta pertenec na e prome batalion di infanteria cu ta staciona na Siegen.

A New Pen from Parker!

...that Adjusts to Your Very Own Style and Angle of Handwriting



THE PARKER VP*

*Very Personal

Like your fingerprints, your handwriting is distinctively your own. The way you hold your pen, the amount of pressure you apply, the angle at which you write... this is what makes your handwriting completely different, uniquely your own. Most pens, designed for the „average” writer, really don't satisfy the person who takes pride in his handwriting. Read how Parker's VP pen adjusts itself to suit you:

You rotate the point to suit your precise writing angle and style. Whether you're left or right handed, you can set the point at the angle that's just right for you.

You choose your point style from an extra-fine „Accountant” to the bold „Executive” with many distinctive styles in between. All points are solid 14K gold and easily installed.

Contoured comfort grip forms a resting place for your fingers to reduce writing fatigue. Your hand becomes relaxed and you form each letter and line beautifully, with a natural grace.

Discover for yourself how Parker's VP pen can become your own „Very Personal” writing instrument. Your dealer will assist you in selecting just the right point. He'll also show you how cleanly and easily the Parker VP fills... just one more feature that adds to most enjoyable writing.



Agents: **MARCHENA, MORON & Co. N.V.**

ESCANALO DI ATOOM NA ITALIA

ROMA, 21 oktober. — Polis Italiano a hala e pasaporte aden di profesor Felice Ippolito, e secretario general di e comision Italiano na energia atómico, kende recientemente a worde destitui di su puesto. E profesor di 47 anja a worde suspende dia 31 di agosó a base di criticanan riba direccion di e comision.

E ministerio di industria a declara diarazon cu tabatin casonan sumamente serio cu a sali na cla y cu documentonan a worde manda pa autoridadnan husticia pa eventual medidanan.

E critica tabata riba e sistema cu placa tabata worde gasta.

LIBERTACION DI PRESUNAN POLITICO NA IRAK

BAGDAD, 21 oktober. — Segun e corant „Al Arab” e gobernador general di Irak, Brigadier general Rasiid Moesleh, a duna orden na liber a dos cien presu politico. Den e dianan cu ta bini dos cien presu politico mas lo worde liberta.

EQUIPO MILITAR PA INDIA

NIJEUW DELHI, 21 okt. — Merca a declara di ta dispuesto pa entrega equipage pa dos division di seru na India, cu lo worde forma hunto cu e seisan igual cu actualmente ta en formacion. Asina a worde informa di circulan autoriza na Nieuw Delhi.

RODRIGUEZ TA GANA MCCLURE

NEW YORK, 21 okt. — Luis Rodriguez, e Cubano biba na Merca, a gana un pelea pa decision den diez vuela for di Wilbert McClure, ganado di e medalla di oro den e categoria junior mediano na weganan olimpico di anja 1960 y invicto como boxeo profesional.

Rodriguez, ex-campeon mundial di welter y actualmente un di e candidadonan mas serio na un pelea cu Emile Griffith, na cumintamentu di e pelea a hiba un ventaha grandi na punto, pero den ultimo parti di e partido e mester a dedica su mes completamente na defensa contra McClure, kende tabata ataca timosamente.

SUR AFRICA NO KIER OBSERVADOR

PRETORIA, 21 okt. — E minister Sudafricano di husticia, Vorster, a rechaza un peticion di e comision internacional di hustiaanan pa manda un observador na e proceso di saponhe na Pretoria.

E proceso den cual diezun persona ta worde huzza, a cumintza diez dia pasa. E personanan ta worde huzza di conspiracion contra gobierno. Bo peticion ta igual cu e suposicion cu e proceso lo no ta husto, asina minister Vorster a laga e comision sa. El a declara tambe cu e sesionnan di tribunal di Sur Africa semper ta habri pa tur hende. Mi no ta interesa den nomber di bo observador y lo mi no reconoce oficialmente di duna facilidatnan especial, asina e minister Sudafricano a bisa.

CUMINZA BO DIA CU VIGOR Y ALEGRIA

Den dia, anochi, na ora di come bon bisa cualkier ora, Juice di **Libby's** ta nutritivo y yen di sabor, y... refrescante, Juice di **Libby's** ta esun mihor y mas rico na vitamina. Su sabor a worde imita, pero nunca iguala.

Pone un glas di cualkier juice di **LIBBY'S** na bo boca y... convence bo mes.

N.V. Winkel's Handel Maatschappij



WEGANAN OLYMPICO 1968 LO TUMA LUGAR NA MEXICO

BADEN BADEN, 21 okt. — E comité Olimpico Internacional a indica ciudad Mexico pa organisa e weganan Olimpico di anja 1968. Un ventaha grandi pa e portavoz di Mexico tabata tambe, cu e par a ofrece en general acomodacion ultra moderna. E stadion di e universidad por ehemplo, indubablemente e centra pa e weganan Olimpico 1968, ta di fecha recien. Aunque cu e por carga 105.000 fanatico di deporte, ta posibel pa dentro di un cuartu di ora tur e espectadoran ta riba caya.

Ciudad Mexico, cu na anja 1968 segun calculo lo tin un poblacion di 7.4 milyon, tin 605 hotel y mas di 200 pension. En total 30.334 kamber por hospeda mas o menos 50.000 huesped.

Ta e intencion pa construi dos pueblo Olimpico, cu lo worde equipa di e sistema mas moderno y cu por ofrece hospedahe na 10.000 atleta.

Problemanan financiero e organisacionan lo no tin, ya cu tanto gobierno Mexicano como e gobierno municipal di Mexico ya a priminti di lo duna tur fondonan necesario.

Fecha

Aunke cu ainda no ta sigur qui dia e weganan Olimpico 1968 lo worde tene ta worde calcula tog cu evey lo ta muy probable di 12 te 27 di oktober, pasobra e periodo ey segun estadisticanan tin mihor circunstancianan meteorolog.

Tabata un gran dia pa e viejo Marte Gomez, portavoz di e delegacion Mexicana. Antayera e tabata den noticia cabra ora cu el a worde herida na un desgracia di auto, den auto di e miembro Bulgaro di e comité Olimpico Internacional, general Vladimir Stoitchev. Aunke cu e tabatin un handicap fisico, tog el a presenta tur su argumentonan den un discurso masha bon. E Meicano, kende for di 1934 ta forma parti di e comité Olimpico Internacional, a convenci su co-miembroan completamente. E comité Olimpico Internacional pues tabatin mester di solamente binti minuut pa yega na un seleccion. E rapport di 200 pagina den cual e miembroan di e comité a worde pone na altura di e posibilidadnan

HULANDA TA EMPATA CU BELGICA 1-1

AMSTERDAM, 21 okt. — E partido internacional di futbol entre Hulanda y Belgica efectua den stadion Olimpico na Amsterdam ayera mainta, a termina dan un empate na un gol. Ambos gol a worde anota den e ultimo parti di e encuentro.

Hulanda cu a hunga cu e sistema 4-2-4 y cu un oncena hopi destinto for di esun cu a empatia di un manera decepcionante poco siman pasa contra Luxemburgo, na cuminsamento no por a desarolla su atakenan y e defensa Hulandes a hanja hopi trabao pa haci, aunque cu el a haci esaki bon.

E Belgonan tabata ataca mucho mas, pero nan trabador di wegá, Pol van Himst, tabata bon vigila pa Benaers,

volleyball, ademas tin 830 terreno di futbol, 610 terreno di baseball, 190 cancha di tennis, 115 piscina y 150 arena pa lucha libre.

Alegria na Mexico

E nombracion di Ciudad Mexico como ciudad pa e weganan Olimpico di anja 1968 a worde ricibi cu gran alegria na e capital Meicano. Especialmente den circulanon deportivo y entre e autoridanan di e ciudad e nombracion a causa un enorme alegria. President Lopez Mateos tabata sumamente contentu. "E noticia fantastico aki mester ta pa cada Meicano un prena cu mundo a reconoce awor, cu Mexico no solamente ta haci tur loke e por pa deporte, pero semper ta sigi haci esfuerzo pa mehora su posicion promimente.

Tambe ta resulta, asina e president a bisa, cu economia di Mexico y politica di e pais ta hopi stabil.

E conocido artista Hulandes, Wim Sonneveld tambe a actua na e Grand Gala du Disque cu a tuma lugar na Scheveningen den un creacion di un pader cu ta canta. Banda di "Pader Sonneveld" nos ta mira e famoso cantante di Jazz Mericano, Sara Vaughan, cu tambe tabata un sorpresa di e festival aki.

DEP. ATLANTICO INVITA PA R.C.A.

(Di nos Redactor Deportivo)
Pa dia 8 y 9 di otro luna directiva di RCA ta organizando encuentronan di futbol internacional. Manera ya nos a yega di menciona, un equipo profesional for di Colombia a worde invita. Esaki ta e equipo Deportivo A. Lantico.

Ariba diabierna dia 8 e visitan enan lo hunga un partido contra di RCA, mientras cu e siguiente anochi diasabra dia 9. Dep. Atlantico lo hunga contra di e campeonan local Dakota.

Pa e partidonan aki ya RCA a obtene e permiso necesario di directiva di AVB. E partidonan lo worde presenta den Wilhelmstadion.

ACUERDO ENTRE INGLATERRA Y KENIA

LONDEN, 21 okt. — Inglaterra y Kenia ayera a firma un acuerdo na London tocante e constitucion pa e estado Kenia na oost Africa, cu dia 12 di december lo bira independiente. Premier Jomo Kenyatta di Kenia a declara despues di e session final di e conferencia cu e duru tres simen, cu lo no tin dramamentu di sangre na su pais. El a duna comentario riba ausencia di e oposicion di Kenia na e reunion final y e amenaza pa forma un estado apart na Kenia.

ASALTO DI BOM NA CARACAS

CARACAS, 21 okt. — Den e edificio di un oficina cu ta huur pelicula Mericano na Caracas, un bom a explota ayera. E candela cu e explosion a causa a mata dos muhe. Mas di 15.000 cinta di pelicula a worde destrui. E danjo ta considerable. Ta worde bisa cu e asalto a worde comete pa elementonan extremo izquierdo.

TRUPANAN DI SYRIA CONTRA KOERDENAN

BAGDAD, 21 oktober. — Segun un participacion di e agencia oficial di prensa na Irak, trupanen di Siria a yega noord Irak pa participa na e lucha contra e Koerdenan. Poco tempu pasa un acuerdo a worde firma entre Siria e Irak tocante cooperacion militar estrecha.

rapido na ambos banda. Stockman. ta tira duru contra e portero Hulandes Pieters Graafland y dijles despues Kruiwer ta lora un bala cu di chiripa ta hera gol.

E centro delantero di e Belgonan, Stockman, faltando 16 minuut mas, prome cu wegá termina, ta worde lesiona y mester bandona terreno. Na un momento cu ya e victoria di Hulanda tabata parece sigur, e back central, Pronk di Hulanda ta comete un error grave ora cu na lugar di saca e bala for di terreno e ta pasé pa equibocacion pa e izquierdo interior Belgo, Van den Berg, kende no ta laga e oportunidad ey pasa y ta anota e gol di empate pa su equipo.

E ora ey tabata dificil pa Hulanda anota e gol di ventaha ya cu e Belgonan, hungando cu dies homer, a sera porta di gol, y ora cu refree a pita pa di ultimo hiaha e score tabata un pa Hulanda un pa Belgica.

E gol ey di Hulanda a duna e Belgonan un inspiracion y e wegá a bira mas rapido. E atakenan tabata hai

YABI

pa bo exito

Avisa den ARUBAANSE COURANT y compara e resultado

RADIO TRANSISTOR

den varios tamanjo y modelo na prijsnan for di f 8.— p'ariba.

Constantemente nos ta ricibi mercancia nobo, pasa tira un bista na

PANAMA STORE

BOTICA ARUBA

Personal competente
+ Maquinaria moderna
= Servicio excelente.

Jama No. 1080-1081 of 1180

y nos ta busca bo recept y entrega e remedi na bo cas.

ARTICULONAN HORTA A WORDE HANJA ATROBE

CHICAGO, 21 okt. — Awe polis a hanja un parti Back di un coleccion di articulonnan valuroso di historia, cu luna pasa a worde horta for di e Museo na Chicago. Entre nan tabatin hopi articulo cu a pertenece na e musico Polaco Defunt, Jan Paderewski. Entre otro nan a hanja e renchi di sello cu Paderewski, kende tabata tambe prome minister di Polonia, a usa pa e firma e acuerdo di Versailles, tres portret di e musico y un di Chopin. Segun e museo ainda tin algun articulo perdi. Polis no a haci ningun arestacion.

CONSEJO MUNDIAL TA YUDA VICTIMANAN DI FLORA

UTRECHT, 21 okt. — E departamentu di yudanza di e consejo mundial di iglesia na Ginebra a haci un peticion urgente riba e iglesia nan miembro pa yuda na e emergencia na Haiti y Cuba, cu a worde causa door di e orcan Flora. Ademas nan kier duna yudanza na reestablecimiento di sobrevivienan di e deslismiento di terra cu tabatin na Italia.

E consejo mundial ya a logra, pa manda provisionnan di comida y remedi pa Haiti y Cuba. Aunke cu danjo total cu e orcan a causa no ta tur conoci ainda, lo tin mester di mucho mas yudanza pa e trabaoan di reconstrucion. Dos equipo di iglesia Mericano entre tanto a sali pa e teritorio di emergencia.

FAMIA REAL NA NOORD-THAILANDIA

BANGKOK, 21 okt. — Reina Juliana, Prins Bernhard y Prinses Beatrix a sali ayera acompaña di Rey Phumibol y su esposa di e aeropuerto militar Don Moeang na Bangkok pa bishita e ciudad Tsienmai den noord di Thailandia. Den oranan di mainta e bishitantenan real a bishita e tempel mas importante di Thailandia y un di e palacionan na Bangkok. Directamente despues di yegada na Tsienmai e poblacion di e ciudad aki a ricibi e anual huespednan cu bailenan ceremonial.

E burgemeester di Tsienmai a ofrese Reina Juliana e yabi di e ciudad.

Despues e bishitan enan a bai na e facultad medico unda un pabellon den estilo clasico a worde instala, duna cu disencionan corra, blauw y blauw. Despues e ceremonia oficial di bon bini a tuma lugar.

Awe e huespednan real lo bishita e caldanan di awa Tiengmai, e jardin botanico y e mendinan di palu nan di teak.

IRREGULARIDADNAN NA ATENA

ATENA, 19 oktober. — Ajera nochi tabatin irregularidadnan na Atena na cual polis a hanje den un lucha cu simpatizadornan di e partido EDA, cu ta di orientacion comunista. 57 demonstrante y ocho polis a worde herida.

NOS TIN UN ENORME SURTIDO DI

LAMPÍ

pa colga, di pla y pa muraja. Cu balon di plastic den tur color. Material duro, cu ta conserva nan buntesa pa hopi anja largo. Ademas nos tin balon y otro plezanan di reserva.

Prijsnan ta masha atractivo. Bishita nos y convence bo.

LA PRINCESA

Pabao di teatro Principal na San Nicolas

RON CONDESA

Cada botter di RON CONDESA tin un papel hau di su capsula y masha hopi di e papelnan aki ta premia cu vale pa RON CONDESA y PA PLACA.

● Tin vale pa Botter di Ron Condesa (4 tamaño) y tambe VALE PA f. 5,—, f. 10,—, f. 25,—, f. 50,— y f. 100,— na efectivo!

Por cambia e valenan aki na:

Oficina di Firma Jan C Lacle of na Santa Cruz Baraf na e Rumshop unda Bo a compra Bo botter di RON CONDESA.

CAMISA manga largu blancu y den varios color. SPORTS SHIRTS den tur estilo y prijs.

Tambe nos tin un gran surtido di

FLUS CU DOS CARSON

„peso pluma“

Ademas tur otro articulo pa caballeros.

LA LINDA

No warda te ora ta laat asegura bo propiedad AWE MES na N.E.N.

Pa inf: tel. 1176-1337 Nassaustraat 94-B

SUR AFRICA TA LAMENTA PASO DI NACIONNAN UNI

PRETORIA, 21 okt. — E resolucion tocante apartheid na Sur Africa, cu recientemente a worde acepta pa asamblea general di Nacionnan Uni tabata e intervencion mas peor y mas profunda den asuntunan interno di Sur Africa, asina e minister Sur Africano exterior, Eric Louw, a bisa na un reunion di e partido nacional na Pretoria.

Louw a bisa cu e po kier bai mas aleu den e situacion cu a worde crea door di e resolucion den Nacionnan Uni.

E actitud di gobierno Sur Africano lo resulta despues, asina el a bisa.

DELEGACION CANADES PA EUROPA

QUEBEC, 21 okt. — Un delegacion cu ta consisti di ochenta persona di federacion Canadiense di trabao, a sali ayera pa Europa unda nan lo haci un estudio di legislacion social.

E Canadiensenan lo studia especialmente e medidanan Ruso riba e tereno aki, prome cu nan regresa na pais dia tres di november nan lo pasa Amsterdam, Kopenhagen, Brussel y Paris pa deliberacionnan cu funcionarianan di gobierno y directivanan di federacionnan di trabao.

BRINGAMENTUNAN FUERTE NA SUR VIETNAM

SAIGON, 21 oktober. — Na Loc Dinh, 240 kilometer noordwest di Saigon, tin un lucha fuerte for di ayera mainta entre trupanen di gobierno y guerrilleronan comunista.

Ayera nochi e trupanen di gobierno ya tabatin 26 morto y 108 herido entre cual 13 Mericano.

GROMYKO NA MOSCU

MOSCU, 21 oktober. — E minister Ruso di exterior, Gromyko, a yega Moscu ayera tardi despues di a haci un bishita onverwacht na Berlin Oost. Manera ta conoci Gromyko tabata na caminda pa Moscu for di New York unda el a asisti na e Asamblaea General di Nacionnan Uni, ora cu el a diidi di haci un escala na Berlin Oost pa delibera cu e president di Alemania Oost, Walter Ulbricht.

CHINA TA PROTESTA CONTRA MISION DI NACIONNAN UNI

PEKING, 21 okt. — China comunista a pidi Inglaterra y Union Sovietica pa tuma medidanan contra envio di un mision di investigacion di Nacionnan Uni na Sur Vietnam. Segun e declaracion Chines e bishita di e comision ta contra di e acuerdo nan internacional. Segun China e invitacion di Sur Vietnam na Nacionnan Uni a worde haci bao di presion di Merca.

E comision di Nacionnan Uni tin como tarea, investigacion di e acusacionnan, cu gobierno di Sur Vietnam ta actua di un manera discriminante contra budistanan na e pais.

E REUNION DI CONCILIO

CIDAD DI VATICANO, 21 okt. — E participantenan na e Concilio di Vaticano a vota ayera pa e tercer capitulo di e schema di liturgia, cu ta trata riba sacramentonan y sacramentalnan.

Tampoco e capitulo aki por a alcanza e cantidad necesario di dos tercera parti di e votonan.

Nan ta cuminsa hanja miedu cu e schema di liturgia tampoco den e session aki lo keda eña definitivamente.

Despues e participantenan a sigui atende e tercer capitulo di e schema tocante iglesia, cu ta trata e lugar di laico den iglesia. Observadornan tabata di opinion cu nan por bisa, cu mayoria di e oradornan tabata di a cuerdo cu contenido di e schema.

CISCO KID presenta pa cortesia di **ARUBA BOTTLING COMPANY** NESBITTS den varios sabor, e refresconan mas pidi y mas gusta na Aruba.

1. Kiko mas nan a bisa? Mi no por a tende... pa motibu di e desord.
2. Mi tin cu sa kende 'a conspira contra Smith. Mi no a mira e hombernan.
3. Un hende a mira nan! Bo no por a puntra? Mi lo trata, pero e hefe no ta gusta pa nos investiga hopi.



PEPITA pa cortesia di: **Antillian Hardware Co**

E mejor adres pa VERF, KWASHI, TUR CLASE DI HERMENT, articulo sanitario.

1. Kiko bo ta haciendo Lorenzo? Un cuen'a cu e hefe mester pa mianja?
2. Mi yiu, haci mi e favor di haci dos copia di esaki pa mi.
3. Y abo mi yiu homber, mi ta gradici bo, si bo conta esaki.
4. Lorenzo, bo ta corda tempo cu bo a tega di juda nan cu nan huiswek?



Peronistanan ta bringa cu polis na Buenos Aires

BUENOS AIRES, 19 oct. — Diahuebs anochi miles di simpatisadornan di ex presidente Juan Peron tabata envolvi den un bringamentu cu polis. A dura dos ora prome cu polis por a plama e demonstrantenan for di otro. Polis mester a usa gas lacrimogeno y rayman di awa pa plama e multitud for di otro. Ademas tabatin diferente tira di pistol y dos polis a worde herida pa balanan di pistol.

E irregularidadnan a cuminsa despues di un reunion na aire libre di mas o menos 5000 Peronista riba un plaza. Na ocasion di e hecho cu 18 anja pasa Peron a tuma poder na Argentina.

E minister di Asuntunan Interior, Juan Palermo, a duna permiso pa tene e reunion, bou di e condicion estricta, cu lo no tin demostracionnan.

E multitud a emociona ora cu nan a cuminsa toca sintanan graba cu voz di Peron y su esposa defunta, y a cu-

PRINSES PAOLA A DUNA LUZ NA YIU HOMBER

BRUSSEL, 21 oct. — Prinses Paola, esposa di Prins Albert di Luik, a duna luz na un yiu homber, di tres yiu di e pareha.

Anja pasa e Prinses a duna luz na un yiu muhe, cu a hania e nomber Astrid. Na anja 1960 e pareha a hania nan prome yiu, Prins Filip.

E recien nacido ta hania e nomber Laurens. Prinses Paola y e yiu ta den perfecto estado.

DELEGACION MERICANO PA EUROPA

WASHINGTON, 21 oct. — President Kennedy a declara den un discurso na comerciantes y financieronan, cu ta bai haci un gira di tres siman na Europa como miembro di un delegacion comercial di estado, cu e problema di balans di pago na Merca lo mehora considerablemente, si e turistanan Europeo na Merca lo gasta mas tanto cu e Mericanonan ta haci na Exterior.

E placa cu ta worde gasta na exterior pa turistanan Mericano ta aumenta anualmente e saldo desfavorable cu mas o menos 1.8 miljar dolar. E delegacion comercial entre otro lo bisita Hulanda.

E prome grupo di trahadornan for di Surinam a yega Hulanda poco dia pasa. Nan ta esnanan prome di un grupo grandi cu Verholke, un astilero grandi Hulandes a busca na Surinam pa bai traha den su empresa na Rotterdam.

minsa camu cu flamen den direccion di e edificio di congreso. Decenas di demonstrantenan a worde aresta of herida.

Cincu dia pasa e gobierno di dr. Arturo Illia a tuma poder over y a priminti di sea abolí of floha tur ley cu ta limita derechonan civil.

Peron ta den exilio na Spanja. Ainda e tin un influencia grandi riba e federacionnan Argentino di trabou y e obreronan mes.

DECLARACION DI NORSTAD

LONDEN, 21 oct. — E ex-comandante supremo di e forzanan di NAVO na Europa, general Lauris Norstad, a declara na un reunion na Enstone banda di e ciudad universitaria Ingles Oxford, cu tin meser di solamente tres dade pa pone e potencia nuclear di NAVO cuminsa funciona y no 15. El a bisa tambe cu el a yega na e conclusion cu representantenan di 15 pais den caso di un estado di emergencia na por yega na un conclusion rapido.

E sistema mas facil pa forma un decision rapido ta segun e formacion di un grupo consistiendo di tres miembro dentro di NAVO y completamente responsable na NAVO, esta representantenan di e tres paisnan cu por pone armanan nuclear na disposicion di NAVO — Merca, Inglaterra y Francia. Pero un tal grupo limita lo por traha efectivo solamente y te ora cu e worde forma pa lidernan di e gobiernonan di e tres paisnan, asina general Norstad a bisa.

FRAUDA GRANDI NA RUSIA

MOSCU, 21 oct. — E organo di gobierno Ruso, Izvestia, a haci anuncio di un organizacion grandi di estafadornan, cu a perhudica estado pa tres miljon roebel. E culpablenan a usa un taller di un clinica psycho — neurologo unda nan tabata laga hendenan mentalmente enfermo haci obranan di man.

E lidernan di e grupo tabata un tal Roifman y un tal Sjakerman. E corant a observa cu e ta menciona e nombernan Hudiu aki, pasobra e no ta paga atencion na e ofensanan di mala fé cu prensa di occidente ta expresa



Princesa Soraya, ex-emperadora di Persia huntu cu su amigo, e actor Maximilian Schell, saliendo for di aeropuerto di Roma huntu pa Munich. Segun rumornan Schell lo hunga e papel estelar cu Soraya den e pelicula nobo Catherine the Great.

MENOS YUDANZA DI MERCA NA EXTERIOR

WASHINGTON, 21 oct. — E comision Mericano di Senado pa exterior a declara su mes di acuerdo, cu un suma di 4.202.365.000 dolar a worde pone disponible pa yudanza na exterior. Door di esaki e comision ta haci un rebaho di un miljon dolar for di e suma cu gobierno a pidi anteriormente. Awor gobierno ta hanja mas o menos 327 miljon dolar menos cu e ta considera necesario. E rebaho menciona a worde haci pa e camara di delegados pero nan ta di opinion cu den Senado tambe lo tin votonan pa rebaha e suma cu e comision a aproba algu mas.

SUR VIETNAM FIERNU NA MUNDU

PEKING, 21 oct. — Un lider Brdista for di Sur Vietnam, Thidj Thien Hao, a declara na un reunion na Peking, cu su pais ta un fiernu na mundu, crea door di e imperialismo Mericano y e grupo di Ngo Dinh-Diem. El a bisa asina den un discurso na Boeddhistanan for di diessn pais di Asia, cu a tene un conferencia di tres dia tocante e trato cu e Boeddhistanan ta ricibi na Sur Vietnam. Thidj Thien Hao no kier a bisa con e y su delegacion a yega Peking, pero segun el a bisa nan mester a soporta hopi cos y pasa den hopi dificultad.

ECONOMIA DI CUBA

MIAMI, 21 oct. — Segun economistanan Cubano en exilio lo dura binti tanja y lo mester inverti 500 miljon dolar, prome cu economia Cubano yega na e nivel cu tabata prome cu e orkaan Flora a pasa.

E provincianan azota Camaguey y Oriente ta entrega 70 porciento di cosecha di sucu na Cuba. 90 porciento di cosecha di koffie y 60 porciento di ganado, asina e economistanan en exilio a bisa.

Durante e fin di siman cu a pasa Havana tabata sin awa di bebe pasobra e pipanan mester worde drecha. Asina Radio Havana a transmiti. E participacion aki a worde haci den un serie di trahaonan di reparacion, cu a bira necesario door di e orkaan Flora, pero e no a worde pone en relacion directa cu e orkaan.

E transport di trigo Mericano ta sali muchu caru

WASHINGTON, 21 oct. — Segun circulonan di gobierno Mericano e plan pa transporta 200.000 ton di trigo Mericano pa Hungria cu ta sigl. Parce cu e Hungaronan no ta dispuesto pa paga e gastunan altu di transport, cu e compaulnan Mericano di nabegacion ta pidi.

Manera ta conoci president Kennedy a bisa cu e transport di trigo Mericano cu ta worde compra pa paisnan di Oost-Europa, entre cual Union Sovietica, den prome instancia mester worde transporta cu bapornan Mericano. Si no tin suficiente espacio den bapornan Mericano, anto lo por usa bapornan estranhero tambe.

Den e circulonan menciona ta worde declara, cu awor a worde propone pa transporta e trigo mas tantu posibel den bapornan Mericano, pero contra prijsnan mas competente. E prijs internacional pa transport di trigo pa puertonan na Mar Negro ta 12 te 13 dolar pa ton. Pero parce cu bapornan hao di bandera Mericano ta pidi 23 dolar pa ton.

EVACUACION A CUMINSA NA EGYPTO

CAIRO, 21 oct. — Nan a cuminsa evacua e territorio na Egipto cu lo worde inunda ora cu e dam Aswan na e frontera entre Egipto y Soedan keda ela. Mas di 50.000 habitante di cabanjanan di lodo, cu lo worde inunda pa awanan di e riu Nijl, lo mester bai establece otro caminda.

Ayera 300 di e habitantenan a bai biha den casnan nobo di piedra na Komombo, un lugar cu no ta situa muchu leu di e dam Aswan.

E migracion aki probablemente ta esun di mas grandi den historia y gobierno Egipto lo tin cu paga e habitantenan mas di 180 miljon florin Hulandes na danjo di perhudico, gastunan di transport y establecimentu nobo.

Na anja 1958 construcion di e dam a cuminsa. Ta worde calcula cu otro anja e dam lo por worde tuma den uso. E dam lo ta e di tres reservoir di awa den grandura, na mundu.

Ta existi e peliger cu e prijsnan altu di carga lo spanta e Rusonan tambe. Por lo demas te awor aki no a bin un delegacion for di Union Sovietica pa papia tocante e asunto.

KENNEDY TA DEFENDE SU POLITICA

WASHINGTON, 21 oct. — President Kennedy a defende den un discurso na e universidad di Maine e intentonan pa mehora e relacionnan cu Union Sovietica, como e unico alternativo pa un guerra nuclear na cual bida di 300 miljon hende por worde destrui den un ora. E president Mericano a bisa esaki na e universidad di Maine.

Pero Kennedy a sigura cu Merca lo keda vigila „pasobra te ainda nos ta biba den e sombra di guerra”.

El a mustra riba e critica riba firmamentu di e acuerdo pa stop prueba nuclear, e entreganan di trigo na Rusia y e medidanan propone pa desarme y pa den espacio.

El a bisa, cu aunque por spera mas crisis entre oost y west, e pasonan cu ya el a tuma tabata na interes general y cu tabata necesario pa Merca convence su adversarionan cu guerra no tabata na nan interes. Mientras cu nos ta mantene nos disposicion, mester investiga cada caminda pa paz profundamente.

CUERPO MERICANO DI ASTRONAUTONAN

HOUSTON, 21 oct. — Merca a participa, cu diecuetar aviador, entre cual dos civil, a worde indica pa sigi un instrucion pa astronauta. Di e militanan siete ta den servicio cerca forza aerea, cuater na marina y un na cuerpo di mariners. E candidato mas hoben tin 27 anja esun di mas bieu 34.

E oficina Mericano pa aviacion y vuelonan den espacio actualmente ta dispone riba trinta hende homber pa vuelonan den espacio. Entre nan tin e grupo original di siete, di cual teniente coronel John Glenn cu su 42 anjanan di edad ta esun di mas bieu. Mas o menos na anja 1970 e oficina kier laga un homber baha riba luna.

Argelinonan ta ataka post di Marokko

MARRAKESH, 21 oct. — Di fuente oficial na Marokko ta worde participa, cu e soldanan Argelino a ataca e post Isj na frontera di Argelia riba territorio di Marokko. Aunque cu e atacantenan tabata muchu mas tantu, toch e post a resisti.

E corresponsal di Reuter ta anuncia for di Zagora na zuid oost di Marokko, cu e linea Argelino y Marokki di frontera ta situa 60 kilomeer for di otro cu excepcion di e territorio Tindjoeb, unda nan ta na distancia di tiro for di otro. General Ben Aomar a conta cu su hombernan lo no ataca si rey Hassan no duna orden.

Di fuente oficial Argelino ta worde declara cu e negociacionnan di paz solamente a worde suspende y cu reanudacion di e negociacionnan ta posible. Rey Hassan a protesta telegraficamente cerca president Ben Bella di Argelia contra e ataque riba e post di frontera Isje door di e Argelinonan.

Rey Hassan ta bisa den su protesta

tambe, cu e forza aerea di Argelia a haci un ataque riba territorio di Marokko den e provincia Oejda.

Di fuente oficial di Marokko a worde participa, cu 25 gendarmes na Isje a muri. Nan no sa nada di e sobra dies miembronan di e guarnicion eynan.

E ministerio Argelino di defensa a desmenti energicamente cu e post Argelino Isje a worde ataca pa trupanen Argelino. Tambe e ministerio a desmenti un noticia di fuente di Marokko, cu e bringamentunan na e frontera entre Argelia y Marokko den e territorio di Hassi Beida y Tindjoeb a worde suspende 48 ora.

President Bourguiba di Tunisia a propone un reunion di e ministerian di Exterior dia 28 di luna aki na Tunis. Exterior dia 28 di luna aki na Tunis.

Di fuente oficial di Marokko a worde informa, cu e ultimo dos dianan dies mil Marokkanonan a worde expulsa di Argelia. Asina un noticia for di Marrakej a bisa.



Riba e aeropuerto di Idlewild banda di New York un helicopter a cai. E avion o caba di sali pa un vuelo pa Manhattan, ora cu el a cai. Seis ocupante a muri. Esaki tabata e prome desgracia cu un helicopter desde cu e servicio Idlewild-Manhattan a worde habri.

BO HOROSCOPO PERSONAL

ARIES

21 Maart — 20 April



Awor otronan lo coopera cu bo y juda bo. Di bo banda bo tambe mester duna tur cooperacion si tin discusion.

TAURUS

21 April — 20 Mei



Mantene bon contactonan cu superiornan y otro personanan importanten. Local bo bisa y haci ta worde vigila awor.

GEMINI

21 Mei — 20 Jun



Awe ta mustra mas favorable pa bo, tin aspectonan di un bon noticia of un encuentro. Keda na altura di loke ta pasa.

CANCER

21 Jun — 22 Jul



Reforza bo relacionnan eventualmente door di encuentronan fuera di trabao. Tin bon aspectonan pa actividadnan conhunto.

LEO

23 Jul — 22 Augustus



Confia riba imaginacion y hucio di bo partner. Nan sa y ta mira mas cu bo na e momento aki.

VIRGO

23 Augustus — 22 September



Un dia excelente pa logra resultado. Trata pa papia cu personanan importante; di tur manera bo lo tin exito.

LIBRA

23 September — 22 October



Awe bo tin mas libertad pa actua y especialmente riba tereno di amor bo ta bon para. Muestra iniciativa, pero tactico.

SCORPIO

23 October — 22 November



Masha bon aspectonan pa tur cos di cas y seranan stima. Haci algu pa aumenta bo comfort y cumpli cu deseanan di otro.

SAGITARIUS

23 November — 21 December



Tin bon chens pa mehora e relacionnan cu hendenan den bo vecindario. Bo dia y anochi lo ta hopi ocupa, mustra bo ideanan.

CAPRICORNUS

22 December — 19 Januari



Awe ta un bon dia pa haci algu pa bo finanzas personal. Tin bon aspectonan pa haci compras di cas.

ACUARIUS

20 Januari — 18 Februari



Awe por ta un dia satisfactorio pa asuntunan di trabao y bo relacionnan cu otronan. Usa bo energia y actio.

PISCES

19 Februari — 20 Maart



E fin di siman a bin un bon dia pa un bon relacion cu otronan. Usa bo energia y actio.

NOTA DI MAROKKO PA RUSIA

MOSCU, 21 october. — E embajador di Marokko na Moscu, Abdel Kahir el Fassi, a duna un splicacion oficial na e ministerio Ruso di exterior di e conflicto entre su pais y Argelia. Un tal declaracion a worde manda tambe pa e principal diartionan y representacionnan diplomatica na Moscu. E paso di Marokko ta intencion pa caba cu e tendencia pro-Argelino, cu ta worde demonstra den e comentacionnan Ruso di prensa.

BUCHI ROBEZ

presenta pa cortesia di REFRESQUERIA INGRID

TEL. 1849

★ e mehor adres pa snacks, tur clase di dushi, softdrinks.

